


Rannóg Pholasáí,
Churaclaim agus Mheasúnachta,
An Roinn Oideachais agus
Scileanna,
Bloc 2,
Sráid Maoilbhride,
Baile Átha Cliath 1



Curriculum and Assessment
Policy Unit,
Department of Education
and Skills,
Block 2,
Marlborough Street,
Dublin 1

☎ (01) 8892291

Fax (01) 8892040

Circular Letter 0059/2017

Chuig Boird Bhainistíochta agus Príomhoidí na nIar-bhunscoileanna agus Príomhfheidhmeannaigh na mBord Oideachais agus Oiliúna

Dáta: Meán Fómhair 2017

An Pholaitíocht agus an tSochaí don Ardteistiméireacht, 2018/19

A Phríomhoide, a chara,

Mar is eol duit, tugadh an Pholaitíocht agus an tSochaí isteach mar ábhar nua Ardteistiméireachta i 41 scoil sa bhliain acadúil 2016/17. Leanfaidh na scoileanna sin leis an ábhar a theagasc sa bhliain acadúil 2017/18. Déanfaidh i bhfad os cionn 900 scoláire an chéad scrúdú Ardteistiméireachta sa Pholaitíocht agus an tSochaí i mí an Mheithimh 2018.

Tar éis na céime tosaigh sin, cuirfear an t-ábhar nua ar fáil do gach scoil ar spéis leo le go mbeidh siad in ann é a thairiscint mar rogha ar a gclár ama don Ardteistiméireacht ón mbliain acadúil 2018/19 i leith. Mar chuid den soláthar sin, cuirfear clár forbartha gairmiúla leanúnaí ar fáil do mhúinteoirí atá ar an gclár oibre le haghaidh an Pholaitíocht agus an tSochaí a theagasc ó mhí Mheán Fómhair 2018 i leith. Cuirfear tús leis an gclár sin sa bhliain acadúil 2017/18. Ba cheart na nithe seo a leanas a chur san áireamh le linn a bhreithniú cé acu is amhlaidh nó nach amhlaidh gur spéis le do scoil an t-ábhar nua a thairiscint:

- Ba cheart do scoileanna bheith in ann a thaispeáint go bhfuil siad toilteanach agus ábalta an Pholaitíocht agus an tSochaí a thairiscint ar an gclár ama mar ábhar Ardteistiméireachta ó fhómhar na bliana 2018 i leith;
- Ní mór an t-ábhar a thairiscint ó acmhainní reatha scoile agus soláthar foirne. Mar shampla, ní bheifear in ann iarratas a dhéanamh ar lamháltais churaclaim chun an t-ábhar nua a thabhairt isteach;
- Ba cheart do scoileanna smaoineamh ar an spás breise atá ar fáil ar an gclár ama le haghaidh an ábhair nua, agus aird á tabhairt acu ar fhorbairtí eile curaclaim ag an tsraith shinsearach. Áirítear leis na forbairtí sin an fháil bheartaithe a bheidh ar Eolaíocht Ríomhaireachta mar ábhar nua Ardteistiméireachta a

thabharfar isteach de réir a chéile sa bhliain acadúil 2018/19 agus a bheidh ar fáil do gach scoil ón mbliain acadúil 2020/21 i leith. Áirítear leo freisin na pleananna chun Corpoideachas a thabhairt isteach mar ábhar scrúdaithe sa tréimhse chéanna;

- Ba cheart don scoil bheith in ann a shainaithint cé hé an múinteoir/cé hiad na múinteoirí ar spéis leis/leo an Pholaitíocht agus an tSochaí a theagasc agus a bhfuil an taithí ábhartha aige/acu ar an réimse seo agus/nó a bhfuil na cáilíochtaí ábhartha aige/acu ann;
- Caithfidh an múinteoir roghnaithe/na múinteoirí roghnaithe bheith toilteanach páirt iomlán a ghlacadh i bhforbairt ghairmiúil;
- Ba cheart don scoil a chinntiú go mbeidh aici líon inmharthana daltaí, dar léi, ar spéis leo staidéar a dhéanamh ar an ábhar mar chuid dá gcúrsa Ardteistiméireachta;
- Ba cheart don Bhord Bainistíochta agus don lucht ceannais sinsearach sa scoil bheith i bhfách leis an tionscnamh seo, i gcomhairle leis an bpobal scoile.

Beidh sé tábhachtach dul i ndáil chomhairle leis an múinteoir/na múinteoirí a sainaithníodh a bheith oiriúnach, agus plé á dhéanamh ar an spéis atá aige/acu ar an bPolaitíocht agus an tSochaí a theagasc agus ar na cáilíochtaí agus an taithí ábhartha atá aige/acu. Is treoirínte iad seo a leanas le haghaidh múinteoirí a roghnú don ábhar nua.

De ghnáth, bainfidh na nithe seo le hábhar do mhúinteoirí an ábhair:

- Tá sé curtha in iúl acu go bhfuil spéis fhíor acu sa Pholaitíocht agus an tSochaí a theagasc;
- Rinne siad staidéar ar shocheolaíocht, polaitíocht, fealsúnacht nó antraipeolaíocht (nó réimsí gaolmhara) mar chuid dá mbunchéim nó dá n-iarchéim;
- Tá taithí ábhartha acu ar réimse gaolmhar amhail stair, OSSP nó eacnamaíocht a theagasc nó ar obair a dhéanamh sa réimse sin, mar shampla i modúl nó tionscadail Idirbhliana, nó tá taighde déanta acu ar réimse ábhartha;
- Tá siad toilteanach tabhairt faoi fhorbairt ghairmiúil leanúnach chun ullmhú do chur chun feidhme na sonraíochta agus iniúchadh a dhéanamh ar mhodheolaíochtaí sonracha atá ag teacht leis an tsonraíocht.

Chun socrúithe a éascú le haghaidh soláthar dóthanach a dhéanamh do chur i bhfeidhm náisiúnta an ábhair nua, tá léirithe spéise á n-iarraidh anois. Iarrtar ar scoileanna an fhoirm iarratais atá ar fáil ag an nasc seo a chomhlánú: pdst.ie/sc/politicsandsociety/application. Tá an fhoirm le comhlánú ag príomhoide na scoile agus an múinteoir ábhartha/na múinteoirí ábhartha i gcomhpháirt. Cabhróidh sí le deiseanna forbartha gairmiúla do mhúinteoirí a phleanáil. Is é an dáta deiridh le haghaidh iarratas a chur isteach ná an Aoine **an 27 Deireadh Fómhair 2017**.

Tá tuilleadh faisnéise faoin ábhar nua ar fáil ag www.ncca.ie freisin.

Eamonn Moran (Príomhoifigeach)

Rannóg Pholasaí Curaclaim agus Measúnachta